

SA's Leading Past Year

Exam Paper Portal

S T U D Y

You have Downloaded, yet Another Great  
Resource to assist you with your Studies ☺

Thank You for Supporting SA Exam Papers

Your Leading Past Year Exam Paper Resource Portal

Visit us @ [www.saexamapers.co.za](http://www.saexamapers.co.za)





# basic education

Department:  
Basic Education  
**REPUBLIC OF SOUTH AFRICA**

**NATIONAL  
SENIOR CERTIFICATE**

**KREITI YA 12**

**SEPEDI LELEME LA GAE (HL)**

**LEPHEPHE LA BOBEDI (P2)**

**DIBATSELA 2022**

**TLHAHLO YA GO SWAYA**

**MEPUTSO: 80**

**Palomoka ya matlakala a tlhahlo ya go swaya ke 26.**



**DITŠHUPETŠO TŠA GO SWAYA**

- Ge molekwa a arabile dipotšišo tše di fetago palo yeo e nyakegago, swaya ya mathomo fela (Molekwa ga a swanelo go araba potšišo ye telele le ye kopana go tšwa pukung e tee).
- Karolong ya A, ge molekwa a arabile dipotšišo tše nne ka moka mo diretong tše di bonwego, swaya tše pedi tša mathomo.
- Go dikarolo tša B le C, ge molekwa a arabile dipotšišo tše kopana tše pedi goba tše telele tše pedi, swaya ya mathomo o hlokologe ya bobedi. Ge molekwa a arabile dipotšišo ka moka tše nne, swaya fela ya pele mo karolong ye nngwe le ye nngwe ge e le gore go arabilwe potšišo ye kopana le ye telele.
- Ge molekwa a file dikarabo tše pedi, moo e lego gore ya mathomo e fošagetše mola ya bobedi e nepagetše, swaya ya mathomo gomme o hlokologe ya bobedi.
- Ge dikarabo di sa nomorwa ka tshwanelo, swaya go ya ka memorantamo.
- Ge mopeleto wo o fošagetšego o ama tlhalošo, swaya phošo. Ge o sa ame tlhalošo, gona mo fe moputso.
- Potšišo ye telele: Ge karabo ya potšišo ye telele e le ka tlase ga botelele bjo bo nyakegago, se mo otle ka ge a šetše a ikotlile. Ge e le ye telele kudu, lekola fela mantšu ao e ka bago a 50 o hlokologe taodišo yeo e šetšego fela o bale thumo.
- Dipotšišo tše kopana: Ge molekwa a sa šomiše ditsebjana moo a kgopetšwego go tsopola, se mo otle.
- Mabapi le dipotšišopulego, ga go meputso ye e tlogo abja go dikarabo tša Ee/Aowa goba Dumela/Go se dumele. Meputso e tlo fiwa fela go lebaka le le fiwago.
- Ga go meputso ye e tlogo abja go dikarabo tša NNETE/MAAKA goba NTLHA/KGOPOLO. Meputso e tlo fiwa fela go lebaka le le fiwago.



**KAROLO YA A: THETO****MONTSHEPETŠABOŠEGO – M Mamabolo****POTŠIŠO YA 1****'GA SE KA PHOŠO' – FJR Malebana****Mohlala wa karabo:****Teori**

Dikgopolokgolo ke dikgopololo tše bohlokwa tše di rwelego moko wa sereto gomme di rwele molaetša wo elega thuto yeo sereti se ratago go e fihliša go babadi.

**Tirišo**

Molaetša wa sereto se ke gore batho ge ba go kganyogela tše mpe gantši ga nke di direga.

**Temanatheto ya 1**

Temanatheto e tšweletša bopelompe bja basadi go seretwa mo ba bilego ba mmolela gampe.

**Temanatheto ya 2**

Temanatheto e tšweletša kgopolokgolo ya go swarwa gampe ga seretwa le go kganyogelwa tše mpe ke bao go thwego ke baloi.

**Temanatheto ya 3**

Seretwa, tlogolwana sa Kaika le Ndlhambe, se be se hlorišwa.

**Temanatheto ya 4**

Seretwa se ile sa alamelwa ke sefatanaga gomme batho ba bangwe ba ile ba leboga maatla a Modimo ka go phologa ga gagwe mola ba bangwe ba ile ba re o kgonegile.

**Temanatheto ya 5**

Manaba le bao ba mo ratago ba be ba etla go mo hlola matsogo ka gae.

**Mafetšo**

Sereti se atlegile go tšweletša dikgopolokgolo seretong se. Temanatheto ye nngwe le ye nngwe e na le kgopolokgolo ya yona go thekga molaetša.

**[10]****GOBA****POTŠIŠO YA 2****'A ITHENG?' – ME Ngake**

2.1 Morumokwanophetši/morumokwanotia/morumokwanotshadi. (1)

2.2
 

- Potšišoretoriki
- Kelelothalo.

(2)



- 2.3 Batho ga ba kgotsofatšwe ke ge Modimo a ba okeletša le go ba fokoletša matšatši a go phela. (1)
- 2.4
- Matlorotlolo – sereti se dirišitše matlorotlolo go gatelela kgopolu ya pula ye ntši.
  - Ratharatha – sereti se dirišitše ratharatha go gatelela kgopolu ya go re batho ba bolela ba sa fetše, go laetša go se kgotsofale.
  - Komelelo – sereti se gatelela go hlokega ga pula.  
(TŠE PEDI fela) (2)

## 2.5 GA E SWAIWE

- 2.6 Balekwa ba tla fa maikutlo a go fapania.  
Mohlala:  
Maikutlo a manyami/tlabego/kgakanego
- Sereti se nyamišwa/tlabja/gakantšwa ke ka fao batho ba sa kgotsofatšwego ke tše Modimo a ba direlago tšona.
- (2)  
[10]

## POTŠIŠO YA 3

### 'NKGOTSOFATŠE KE GO KGOTSOFATŠE' – MJ Tauatsoala

- 3.1 Nkgotsofatše ke go kgotsofatše **re kgotsofatšane**,  
**Re kgotsofatšane** re sa tshelane phori mahlong. (1)
- 3.2 Mohlang wola go le monyanya wa kgaetšedi 'a **gago**',  
Lapeng la rena dipotla re di phophothile ra ba hlankela,  
Kgomu selotwapotleng re gorošitše lapeng ka sefahle**go**
- Morumokwano o gatelela kgopolu ya go re mokete o be o le ga bo seretwa gomme tšhelete e tlišitšwe ka sebele.
- (2)
- 3.3 Sereti se be se hutša gore ba tlo thušana mathateng a bophelo. (1)
- 3.4 Papadišantšu/phane
- Go gatelela kgopolu ya go tshepana gare ga sereti le seretwa.
- (2)
- 3.5
- Ba wele fase ka sefahlego – ba a lla ka ge ba hlokoletšwe
  - O ntlhapa diatla – seretwa se latola go se fe thušo
  - O thuntšha meši ka dinko – seretwa se befetšwe
  - O ka itoma sejabana – seretwa se ikana go se fe thušo.  
(TŠE PEDI fela) (2)
- 3.6 Balekwa ba tla fa melaetša ya go fapania.  
Mohlala:  
Batho ge ba phela mmogo e le balekane ba swanetše go thušana le go kgotsofatšana.
- Sereti le seretwa ba swanetše go thušana ge go etla mererong ya malapa a gabobona.
- (2)  
[10]



**POTŠIŠO YA 4****THEPUDI – PM Mashilo**

- 4.1     4.1.1 'Kgomo e a tshwa!' (1)  
       4.1.2 'E gangwa ke nna Thepudi mothontshororo/  
             Thepudi ke mothomatepetepe motho wa go tsošološa madiba'. (1)
- 4.2     Kelelothalo/Enjampamente/kgopolotšweledi/kgopolokeledi  
       • Kgopo ya gore Thepudi ke sejato e fetela mothalothetong wa go latela  
         ka la gore o tšeela masogana makgarebe. (2)
- 4.3     • Sereto se bopilwe ka methalotheto ye masomepedihlano.  
       • Methalotheto ke ye mekopana, ya magareng le ye metelele. (2)
- 4.4     Sereti se dirišitše tshwantšhanyo.  
       • Thepudi o tšeela masogana makgarebe ka go ba sepela ka fase bjalo ka  
         thete.  
             Goba  
             Sereti se dirišitše sekā sa "go sepela ka fase".  
             • Thepudi o tšeela masogana makgarebe ka go ba hlalefetša. (2)
- 4.5     Balekwa ba tla fa dikarabo tša go fapania.  
       Mohlala:  
       Moya wa boikgantšho/boikgogomošo  
       • Sereti se ikgantšha/ikgogomoša ka mokgwa wo se kgotsofatšago le go  
         thabiša makgarebe ka thobalano. (2)  
             [10]

**LE****POTŠIŠO YA 5:****SERETO SEO SE SEGO SA BONWA****DIRETO TŠA SESOTHO SA LEBOA – DM Kgobe****'O NTIRILE LEKGOWA' – VM Lebepe**

- 5.1     • Motlišaodutše  
       • Seepamokoti. (2)
- 5.2     O rata manonganongo matšhatšhakhura,  
       O rata matsaka a Ratsaka,  
       • Go gatelela kgopo ya go rata dilo tša maemo ga seretwa/Go tliša  
         mošito/morethetho (2)



## 5.3 Thetotsholo/nyefolo

- Sereti se sola/nyefola maitshwaro a seretwa a go mo šomiša bošaedi ka go mo gama tšhelete le go mo kganyetša.

(2)

## 5.4

- Sereto se bopilwe ka ditemanatheto tše nne.
- Temanatheto ye nngwe le ye nngwe e na le methalotheto ye šupa.

(2)

## 5.5 Balekwa ba tla fa dikarabo tša go fapano.

Mohlala:

Sa go fiwa ga se galalwe.

- Sereti se sola seretwa ka go se kgotsofalele tše a mo fago tšona.

(2)

[10]

**PALOMOKA YA KAROLO YA A: 30**

**KAROLO YA B: PADI/DINGWALOTŠHABA****POTŠIŠO YA 6: BADIMO BA BOLETŠE – MJ Mpepele****Mohlala wa karabo****Teori ya tikologo**

Tikologo ya sengwalo ke lefelo la ditiragalo tša baanegwa ka nako ye e rilego. Go na le tikologo ya sebjalebjale le ya segologolo. Tikologo ya sengwalo e lebane le nako le felo. Ka nako mongwadi o hlatha mehla yeo ditiragalo di diregago go yona (sebjalebjale goba segologolo) mola lefelo e le leo le hlathago mohuta wa tikologo yeo ditiragalo di diregago go yona.

**Tirišo**

Tikologo ya ‘Badimo ba boletše’ ke ya segologolo.

- Baanegwa le ditiro ke tša segologolo mola le bophelo go phelwa bja segologolo.

**Nako:**

Ge go bolelwa ka nako go bolelwa ka ditiragalo tše di hlathago nako ya segologolo.

- Tatelano ya bogoši - Kgoši ge e hlokofetše bogoši bo fiwa ngwana wa pele ka lapeng. Ditanu o swanetše go tše a bogoši bja Tatagwe Kgoši Tsweke.
- Dinaga di bušwa ke magoši - Mohu Kgoši Tsweke e be e le kgoši ya Bakone mola Kgoši Manamela e le kgoši ya Bahlaloga.
- Melato e sekwa mošate - Mothofela o amogela barongwa ba go tšwa ga Kgoši Manamela a se tsebiše Kgoši Pilošamadiba. O ile a bonwa molato gomme a ahlolwa ka go kgokelelwaa mohlareng bošego ka moka.
- Go sepelwa ka maoto ge go tšewa maeto a matelele - Barongwa ba go tšwa ga Kgoši Manamela ba tlile ga Kgoši Pilošamadiba go tliša molaetše wa go re ka leo le latelago ba a hlaselwa.
- Go tshepilwe dingaka tša setše ge dilo di sa sepele gabotse - Ditanu o išwa go Ngaka Ngwetšana kua ga Mmalebogo go hlapišwa. Mokgekolo Komanyi o ya go ngaka Mpotše gore a tle a fokafoka ka gae ka ge Ditanu a be a lwalla.
- Mosadi o nyalelwaa lapa - Mokgekolo Komanyi o roma barongwa go ya ga Kgoši Pilošamadiba go nyala Thabišo.

**Felo:**

Go bolelwa ka lefelo la ditiragalo.

Mafelo ke a segologolo.

- Motse/Mošate wa Kgoši Tsweke - Ke fao go rerwago ditaba tša Ditanu tša gore o swanetše a nyale ga Kgoši Pilošamadiba go ya ka taelo ya mohu tatagwe gomme Ditanu o ganana le taba yeo.
- Motse/Mošate wa Kgoši Pilošamadiba - Barongwa ba Kgoši Manamela ba tlile go kgopela sego sa meetse go Kgoši Pilošamadiba. Bona ba hweditše e le gore ba Kgoši Tsweke ba šetše ba ageleditše motšhidi.
- Motse/Mošate wa Kgoši Manamela – Go ntšhwa banna go ya go Kgoši Ntobe go mo loma tsebe gore o a hlaselwa.
- Motseng wa Kgoši Ntobe - Banna ba Kgoši Manamela ba tsena motseng wa Kgoši Ntobe go mo loma tsebe ka go hlaselwa ga gagwe.
- Ngaka Ngwetšana - Ditanu o išitšwe go Ngaka Ngwetšana go ya go alafša.
- Ngaka Mpotše - Komanyi o ile go Ngaka Mpotše go kgopela thušo ya go thea motse wa Bakone.

[25]



**GOBA****POTŠIŠO YA 7: BADIMO BA BOLETŠE – MJ Mpepele****SETSOPOLWA SA A**

- 7.1     7.1.1 Ke bakgomana ba mošate/bobedi ke banna ba motse wa Bakone. (1)  
 7.1.2 Ditan le morwedi wa Moganwa ke baratani. (1)
- 7.2     • Setšhaba sa Bakone ga se na khutšo ka morago ga go hlokoſala ga Kgoši Tsweke yo a bego a ba fa pušo ye borutho.  
 • Mohu Tsweke o šiile taelo ya gore Ditan a nyale morwedi wa Kgoši Pilošamadiba, Thabišo.  
 • Bakone ba tlabja ke gore Ditan o imišitše Mpimpi morwedi wa Moganwa. (3)
- 7.3     Ditan  
 • Morero wa padi ye wa go re 'lentšu la mohu ga le tshelwe', o theilwe godimo ga gagwe.  
 • Bontši bja ditiragalo tša padi ye di dikologa godimo ga gagwe.  
 • Mediro ya gagwe e phadima go feta ya baanegwa ka moka pading ye.  
 • O thoma le padi ye a be a fetša le yona.  
 (E TEE fela) (2)
- 7.4     Balekwa ba tla fa diponelopele tša go fapania.  
 Mohlala:  
 • Ditan a ka tsenwa ke malwetši a go amana le thobalano.  
 • Ditan a ka fetša a se a nyala.  
 • Ditan a ka fetša a lomeletše setulo sa bogoši. (3)
- 7.5     Balekwa ba tla fa dikarabo tša go fapania.  
 Mohlala:  
 • Morero wa padi ye ke 'lentšu la mohu ga le tshelwe'.  
 • Leina la padi ke 'Badimo ba boletše'.  
 • Ditan ga a sekegele lentšu la mohu tatagwe Tsweke tsebe la gore a nyale Thabišo ka fao ditaba tša gagwe ga di sepele gabotse ka gore badimo ba boletše. (3)

**SETSOPOLWA SA B**

- 7.6     • Ke motho wa mafotle.  
 • Ke motho wa lenyatšo. (2)
- 7.7     Thulanontle. (1)
- 7.8     • Mongwadi o dirišitše poledišano go re anegela thulano gare ga Ditan le Seritša.  
 • Mongwadi o tšwela pela go anega ka thulano ya Ditan le Seritša ka go šomiša motho wa boraro. (2)



7.9 Balekwa ba tla fa dikarabo tša go fapania.

Mohlala:

- Poledišano ya Ditan le Seritša e utolla gore Seritša ke motho wa mafotle.
- Poledišano ya Mokgekolo Komanyi le Ditan e utolla maikutlo a pefelo ge Ditan a botšwa ka go nyala Thabišo.
- Poledišano ya Kgokolo le Ditan ya gore Ditan o kgethetšwe mosadi ke mohu tatagwe e utolla tikologo ya segologolo.
- Poledišano e utolla thulanontle ya Seritša le Ditan mabapi le go belegwa ga ngwana.

(TŠE THARO fela)

(3)

7.10 Balekwa ba tla fa dikarabo tša go fapania.

Mohlala:

- Ngaka Mpotše o hlatšiša Ditan
- Ditan o nyala Thabišo
- Ditan le Thabišo ba šegofatšwa ka mafahlana.

(TŠE PEDI fela)

(2)

7.11 Balekwa ba tla fa maikutlo a go fapania.

Mohlala:

Maikutlo a manyami/pefelo

- Ke nyamišwa ke Seritša ge a sa thekge monna wa gagwe mabapi le go tla le tharollo ya bothata bja go hloka thari.
- Ke befediswa ke ge Seritša a sa laetše tlhompho ge a bolela le monna wa gagwe.

Goba

Maikutlo a lethabo

- Ke thabišwa ke go bona Seritša a swina Ditan, ka ge a tlogetše mosadi yo a mo lebanego, e lego Thabišo.

(2)  
[25]

## POTŠIŠO YA 8: KGALAGALO TŠA SETU – MS Machitela

### Mohlala wa karabo

#### Teori ya tikologo

Tikologo ya sengwalo ke lefelo la ditiragalo tša baanegwa ka nako ye e rilego. Go na le tikologo ya sebjalebjale le ya segologolo. Tikologo ya sengwalo e lebane le nako le felo. Ka nako mongwadi o hlatha mehla yeo ditiragalo di diregago go yona (sebjalebjale goba segologolo) mola lefelo e le leo le hlathago mohuta wa tikologo yeo ditiragalo di diregago go yona.

#### Tirišo

Tikologo ya ‘Kgalagalo tša setu’ ke ya sebjalebjale.

- Baanegwa le ditiro tša bona ke tša sebjalebjale mola le bophelo go phelwa bja sebjalebjale.



**Nako:**

Ge go bolelwa ka nako go bolelwa ka ditiragalo tša di hlathago nako ya sebjalebjale.

- Go na le dikhamphani - Mojagobedi le Tumpu ba šoma khamphaneng ya Tshedimošo ya Theknolotši ka toropong ya Polokwane.
- Go lewa lešela ge go aparwa - Mojagobedi o be a apara dipokathe tša maina a

*boGuess, boPolo, boDaniel Hetcher, boKurt Geiger le boTimberland.*

- Go hlatswiwa diaparo ka metšhene - Molatelo o be a hlatswa diaparo ka motšhene ka nako yela Tumpu a be a tlile go bolela le yena ka mathata a gagwe le Mojagobedi.
- Go bogelwa dithelebišene - Mojagobedi le morwa wa gagwe ba be ba bogetše ditaba thelebišeneng.
- Melaetša e fihlišwa ka bjako ka difouno - Mojagobedi o šomiša *iPhone* ge a leletša Fiona le go amogela melaetša. Mphapantšhi o leleditše Mojagobedi ka sellathekeng ge a se no kgaogana le yena kua toropong ge a be a išitše *Yaris* go hlahlobja.
- Go iwa dikerekeng go baruti - Mojagobedi o ile go lemoga gore ditaba tša lapa la gagwe di a mo imela a ya go baruti go nyaka thušo. Ba ile ba mo rapelela ka go mmea diatla ba mo fa se le sela.
- Go rekwa mabenkeleng a ka toropong - Mojagobedi ge a tlo tsebana le Fiona, ba gahlane toropong ya Tzaneen fao Fiona a bego a ile go reka gomme Mojagobedi a thula troli ya gagwe.

**Felo:**

Ditiragalo di direga mafelong a go fapania a sebjalebjale.

- Ka phapošeng ya boapeelo ka ga boFiona - Fiona o ya godimo le fase a lokiša diyamaleng ge Mojagobedi a be a mo etetše.
- Ka phapošeng ya boapeelo - Mojagobedi o a itsholela.
- Bookelong bja Kgpane - fao Molatelo, Mphapantšhi le Keletšo ba bego ba šoma gona. Ke gona fao Molatelo a ilego a amogelwa gona ka morago ga go thulwa ke sefatanaga.
- Toropong ya Polokwane - fao go šomago Mojagobedi, khamphaneng ya Tshedimošo ya Theknolotši.
- Polokwane ga Ngaka Devendranath - fao Molatelo a dirilwego diteko gomme gwa utollwa gore o na le bolwetši bja kankere ya molomo wa popelo.
- Torotswana ya Tebele (Duiwelskloof/Modjadjieskloof) - fao Mphapantšhi a ilego a kopana le Mojagobedi.
- Toropong ya Tzaneen - fao Mojagobedi a ilego a tsebana le Fiona ka morago ga go thula troli ya gagwe.

[25]



**POTŠIŠO YA 9: KGALAGALO TŠA SETU – MS Machitela****SETSOPOLWA SA C**

- 9.1      9.1.1      Ke bagwera/bašomimmogo. (1)  
           9.1.2      Thabitha ke molaodi wa Mojagobedi mošomong/bašomimmogo. (1)
- 9.2      • Mojagobedi o boditše Tumpu ka bothata bja go se be le phedišano ye botse le mosadi wa gagwe, Molatelo.  
           • Tumpu o ithaopile go ya go boledišana le Molatelo.  
           • Mojagobedi o ithomile dikgapana gore Tumpu a lokologe go bolela le Molatelo. (3)
- 9.3      Molatelo  
           • Morero wa padi ye wa 'sephiri se ka thuba lapa' o theilwe godimo ga gagwe.  
           • Bontši bja ditiragalo tša padi ye di dikologa godimo ga gagwe.  
           • Mediro ya gagwe e phadima go feta ya baanegwa ka moka pading ye.  
           • O thoma le padi ye a be a fetša le yona.  
           (E TEE fela) (2)
- 9.4      Balekwa ba tla fa diponelopele tša go fapania.  
           Mohlala:  
           • Tumpu a ka tshwenyega ka taba ye gomme a loma Molatelo tsebe.  
           • Molatelo a ka re go tseba ka ngwana a hlala Mojagobedi.  
           • Ngwana a ka itliša ka gae gomme Mojagobedi a swanelwa ke go hlalošetša mosadi wa gagwe. (3)
- 9.5      Balekwa ba tla fa dikarabo tša go fapania.  
           Mohlala:  
           • Morero wa padi ye ke 'sephiri se ka thuba motse'.  
           • Leina la puku ke 'Kgalagalo tša Setu'.  
           • Molatelo ka go swara sephiri sa bolwetši bja gagwe, o nyakile go thuba lenyalo la gagwe ka ge ka lapeng go be go galagala (rena) setu. (3)

**SETSOPOLWA SA D**

- 9.6      • Ke motho wa go hloka leago/kagišano.  
           • O na le pelo ye mpe.  
           • Ke motho wa lenyatšo.  
           (TŠE PEDI fela) (2)
- 9.7      Thulanontle (1)
- 9.8      • Mongwadi o dirišitše poledišano ya baanegwa go re anegela thulano ya Keletšo le Mphapantšhi mabapi le maele ao ba a fago Molatelo.  
           • Mongwadi o tšwela pele go anega ka bopelompe bja Mphapantšhi bja go hlohleletša Molatelo go hlala Mojagobedi. (2)



9.9 Balekwa ba tla fa dikarabo tša go fapania.

Mohlala:

- Poledišano ya Tumpu le Molatelo e utolla maikutlo a pefelo a Molatelo ge a botša Tumpu gore a se tlo mmotša boloko.
- Poledišano ya Mphapantšhi, Keletšo le Molatelo e utolla semelo sa Keletšo sa go ba le leago mola Mphapantšhi e le mphapantšhi ka nnete.
- Poledišano ya Mphapantšhi, Keletšo le Molatelo e re utollela gore tikologo ke ya sebjalebjale ka ge ba bolela ka sefatanaga sa Mojagobedi sa Yaris le bookelo.
- Poledišano e utolla thulanontle ya Keletšo le Mphapantšhi ka ge a nyaka go pšhatla lapa la Molatelo.

(TŠE THARO fela)

(3)

9.10 Balekwa ba tla fa dikarabo tša go fapania.

Mohlala:

- Mojagobedi o ikana go thekga mosadi wa gagwe.
- Go rena šebešebe lapeng la bona ebile ba šegofatšwa ka ngwana wa mosetsana.

(2)

9.11 Balekwa ba tla fa maikutlo a go fapania.

Mohlala:

Maikutlo a manyami/pefelo

- Ke nyamišwa ke dipolelo tša Mphapantšhi tša go se agiše/Ke befedišwa ke dipolelo tša Mphapantšhi tša go hloka dihlong.

(2)

[25]

## DINGWALOTŠHABA

**POTŠIŠO YA 10: TODI YA BATLOGOLO – M Makgopa, BMT Makobe le AP Nkadimeng**

**Mohlala wa karabo:**

**Teori**

**Mehuta le melaetša ya dingwalotšhaba**

Dingwalotšhaba di arotšwe ka mehuta ye e fapanego bjalo ka dinonwane, direto, dikoša, dipapadi, bj.bj. Tše ka moka di re fa melaetša yeo e lego thuto yeo mongwadi, sereti le moopedi ba ratago go e fihliša ditsebeng tša batheeletši.

**Tirišo**

10.1 **Nonwane: Kgomo e tsogile bahung**

**Mohuta wa nonwane**

Ke nonwane ya selehono.

- E bolela ka ditiragalo tša selehono le tikologo ke ya sebjale – go bolelwa ka motsemogolo wa Soweto go la Gauteng ebile o ruilwe dikgomo.
- E ka tsea mahlakore mabedi, la metsesetoropong le metsemagaeng – ditiragalo di direga Soweto le Leribe kua Lesotho.
- E na le ditiragalo tša go makatša – tiragalo ya mohlare wa go opela wa tomoga ka medu, dinama tša go gana go butšwa, kgomo ya gore e hwile ya tsoga e apeilwe gomme baji ba yona ka moka ba swarwa ke tlala.

**Molaetša wa nonwane**

- Go eletša batho gore bohodu ga bo na moputso.

**10.2 Sereto: Babinakgomo (Ba gaMonareng)****Mohuta wa sereto**

- Ke sereto sa kgoro ya ba gaMonareng bao ba anago kgomo.
- Se tšweletša setlogo le histori ya ba gaMonareng ba go tšwa Mogodumo wa bana ba Tšhite a' Nape a thaba tše dikgolo.

**Molaetša wa sereto**

- Ba ba gaMonareng ke batho ba go ratana le go hlokomelana.

**10.3 Koša: Sebakanyana****Mohuta wa koša****Koša ya poloko**

- Ke koša yeo e akaretšago ditumelo tšohle mo go nago le moruti yo a balago mantšu go tšwa pukungkethwa.

**Molaetša wa koša**

- Koša ye e eletša batho gore ba tsebe gore go phela ke ga nakonyana fela ka gona re swanetše go šomiša nako yeo gabotse ka go hlankela Modimo, yo a re filego yona.

**[25]****POTŠIŠO YA 11: TODI YA BATLOGOLO – M Makgopa, BMT Makobe le AP Nkadimeng****SETSOPOLWA SA E**

11.1 Nonwane, Nonwane! (1)

11.2 Nkebe (1)

11.3 • Go bolelwa ka go ya dingakeng tša setšo.  
 • Go nyalwa ka dikgomonaka. (2)

11.4 Balekwa ba tla fa dikarabo tša go fapania.  
 Mohlala:  
 • O na le megabaru ka gore le ge a humile le dinala o tšwela pele go ya dingakeng go nyaka bohumi.  
 • O bogale ka gore o tsene molapong wa go boifiša. (2)

11.5 Balekwa ba tla fa diponelopele tša go fapania.  
 Mohlala:  
 • Nkebe a ka dira se sengwe le se sengwe gore a hwetše bohumi.  
 • Nkebe a ka ipshina le ba motse wa gabu. (2)



- 11.6 Balekwa ba tla fa dikarabo tša go fapania.  
 Mohlala:  
 Ke nonwanekgogamašego
  - E bolela ka ditiragalo tša go boifiša go swana le ge Ngaka Thuhu a nyaka hlogo ya ngwana wa leitšibolo go Nkebe.
  - Selo se se belegilwego ke mosadi wa Nkebe, hlogo ke ya motho, mahlo, dinko le molomo ga di lebelelege mola mmele e le wa hlapi gomme kua moseleng e le maotwana a phoofolo ya go se tsebjie.
 (LE TEE fela) (2)
- 11.7 Balekwa ba tla fa dikarabo tša go fapania.  
 Mohlala:
  - Leruo la Nkebe le hwa ka moka.
  - Mahumo a Nkebe ka moka a boela mo a tšwago gomme a šala a hlaka.
 (2)
- 11.8 Balekwa ba tla fa dikarabo tša go fapania  
 Mohlala:  
 Megabaru ga e na moputso.
  - Nkebe o bile le megabaru ya go nyaka go huma le ge a be a humile.
  - Go nyaka lehumo ka šiši ga gagwe gwa mo hlolela mathata, a šala a ikgonere e le modiidi wa go hloka le pudi ya leleme le letala.
 (3)

**SETSOPOLWA SA F**

- 11.9
  - Sereto se na le methalotheto ye masometharohlano.
  - Methalotheto ke ye mekopana, ya magareng le ye metetele.
 (2)
- 11.10 'Ke bana ba Mogokolodi  
 A nakana, seripahlogo se sepela  
 Gwa šala sebelebele'. (1)
- 11.11 -eng  
 -eng. (1)
- 11.12 Poeletšothomi  
 E gatelela leloko la Babinatau le ba Moruthane. (2)
- 11.13
  - Ka mafetšo a sereti se boloka nako ya batheeletši ka ge sereto e le se setelele.
  - A laetsa gore sereti se feditše go reta, eupša sereto se sa tšwela pele.
 (2)
- 11.14 Balekwa ba tla fa maikutlo a go fapania.  
 Mohlala:  
 Maikutlo a letšhogo
  - Ke tšošwa ke ge sereti se bolela ka go tia fao go laetšago gore ba gaMaleka ga se batho ba go tšhaba ntwa.
 (2)
- [25]

PALOMOKA YA KAROLO YA B: 25



## KAROLO YA C: PAPADI/TERAMA

### POTŠIŠO YA 12: O IPHIHLETŠENG? – LT Maphoso

**Mohlala wa karabo:**

#### **Teori ya thulaganyo**

Thulaganyo ke tatelano ya ditiragalo kgato ka kgato ka gare ga papadi. Diponagalo tša thulaganyo ke tše di latelago: kalotaba, sethakgodi, kgolo ya bothata, sehloa le tharollo ya bothata.

Tshekatshekong ye go ya go lebelelwa kalotaba, sethakgodi, sehloa le tlemollo ya lehuto.

#### **Tirišo**

##### **Kalotaba**

Ke mathomo a ditiragalo tša papadi.

Ditiragalo tša papadi di thoma go tšweletša:

- Rebone (molwantšhwa)
- Mahunela (molwantšhi)
- Tikologo ke ya sebjalebjale
  
- Lefelo la ditiragalo: mabenkelekgorara moo go bogetšwego dipoelo tša marematlou kuranteng.
- Ditiragalo di mabapi le Rebone yo a phethagaditšego dithuto tša gagwe tša marematlou gomme a gopola go ya yunibesithi.
- Tswalano ya baanegwa: Mahunela ke tatagoRebone.

##### **Sethakgodi**

Ke tiragalo ye e hlolago thulano ya mathomo.

Rebone o nyaka go tšwetša dithuto pele yunibesithing.

##### **Sehloa**

Ke thulano ya mafelelo ya papadi.

- Go utswiwa ga dikromo go hlolela Mahunela bolwetši.

##### **Tlemollo ya lehuto**

Ke mo bothata bo rarologago gona.

- Ngaka Thokgola, Benjamene le Sarinki ba a swarwa.
  
- Sarinki o utolla sephiri sa gore ke yena yo a bego a thuša Rebone ka tšelete ya go lefela dithuto tša gagwe.

##### **Thumo**

Mongwadi o atlegile go tšweletša thulaganyo ya papadi ye. Magato ka moka a tšweletše gabotse go thekga morero wa papadi.

[25]

**POTŠIŠO YA 13: O I PHIHLETŠENG? – LT Maphoso****SETSOPOLWA SA G**

- 13.1     • (*Ka lethabo*)  
        • (*O thabile*)  
        • (*Ka go kgantšha*).  
                (TŠE PEDI fela) (2)
- 13.2   Mabenkelekgorparara (1)
- 13.3   Balekwa ba tla fa dikarabo tša go fapania.  
        Mohlala:  
        Rebone – O emela motho wa nnete yo a fetogago le mabaka/O a gola (Rebone o be a rata go ithutela *Psychiatrist* gomme mabaka a mo gapeletša go fetogela go ithutela go ba *Diatitian*). (1)
- 13.4   Balekwa ba tla fa dikarabo tša go fapania.  
        Mohlala:  
        • Rebone ke motho wa go tseba se a se nyakago/ke motho wa go rata thuto. (1)
- 13.5   Balekwa ba tla fa dikarabo tša go fapania.  
        Mohlala:  
        • Modumo wa dikgomo (tša Mahunela) o laetša gore lefelo ke ka lešakeng.  
        • Modumo wa lori le digarafo (tša boBenjamene, Sebakweng le Monyaku) o laetša gore batho ba mošomong. (2)
- 13.6   Balekwa ba tla fa dikarabo tša go fapania.  
        Mohlala:  
        • Rebone le Hlogi ba tšweletše dithutong tša bona tša marematlou.  
        • Rebone le Hlogi ba nyaka go tšwetše dithuto tša bona pele yunibesithing. (2)
- 13.7   Balekwa ba tla fa dikarabo tša go fapania.  
        Mohlala:  
        Go phegelela go tliša katlego.  
        • Rebone le ge a be a kopana le ditlhohlo dithutong tša gagwe tša yunibesithi ga se a ka a fela maatla.  
        • Mafelelong o a atlega dithutong tša gagwe. (3)



**SETSPORTWA SA H**

- 13.8 Ke bagwera (1)
- 13.9
  - Moanegi/mongwadi o šomišitše ditšupasefala go hlaha babadi ka tiragalo ya go ragwa ke kgomo ga Mahunela.
  - Go tšweletša maikutlo a Mahunela a lethabo ka nako ye a gama kgomo ya gagwe.
  - Mongwadi o šomišitše poledišano ya Malewe le Mahunela go anega tiragalo ya Malewe ya go botša Mahunela gore lekgotla le nyaka tšelete ye a e timeditšego.
(TŠE PEDI fela) (2)
- 13.10 Balekwa ba tla fa dikarabo tša go fapania.  
Mohlala:  
Go rata tšelete ga se gwa loka.
  - Mahunela le ge a gobaditšwe ke kgomo o gana go ya bookelong ka lebaka la go tšhaba go lefela.
Goba
  - Mahunela o fihlile tšelete ye e kgobokeditšwego ke lekgotla la kereke gomme a re e timetše.
(2)
- 13.11
  - Mminorathwana ke mmino wo mokopana wo o arogantšhago ditiragalo tše di diregago ka nako e tee le lefelo e ka ba le tee goba a fapania mola kgaola e le setu (se sekopana) seo se arogantšhago ditiragalo tše di diregago lefelong le tee ka nako e tee.  
(Mohlala wa mminorathwana: Tiragalo ya go šoma ga Benjamene, Sebakweng le Monyaku kua Mehlabeng le poledišano ya Hlogi le Rebone kua sekolong di direga ka nako e tee, mosegare.  
Mohlala wa kgaola: Tiragalo ya go apea ga Rebone le Hlogi ka sehlakeng e direga ka nako e tee le ya Mahunela ge a le ka botshwelamare gomme Rebone a mo latelela).
Goba
  - Mminorathwana le kgaola di swana ka gore bobedi di arola ditiragalo tše di diregago ka nako e tee.
Mehlala:  
Mminorathwana: Tiragalo ya mošomo wo o dirwago ke boBenjamene kua Mehlabeng le poledišano ya Hlogi le Rebone kua sekolong di direga ka nako ye tee di arolwa ke mmino wo mokopana.  
Kgaola: Tiragalo ya go apea ga Rebone le Hlogi ka sehlakeng le ya ge Mahunela a le ka botshwelamare gomme Rebone a mo latelela di direga ka nako e tee, di arolwa ke setunyana.) (2)
- 13.12 Balekwa ba tla fa diponelopele tša go fapania.  
Mohlala:  
  - Mahunela a ka swarwa
  - Mahunela a ka tšeelwa dikgomo.
(2)



13.13 Balekwa ba tla fa dikarabo tša go fapania.

Mohlala:

- Batheeletši ba be ba se ba letela gore Mahunela a ka hlokofala a se a bona bohlokwa bja go ruta ngwana wa ngwanenyana ka morwedi wa gagwe Rebone.
- Batheeletši ba be ba se ba letela gore Rebone a ka se swarele Sarinki morago ga go mo thuša go tšwetša dithuto pele.
- Batheeletši ba be ba se ba letela gore Sarinki a ka itšweleletša ka ge a be a tseba gore o sentše lapeng la Mahunela.

(TŠE PEDI fela)

(2)

13.14 Balekwa ba tla fa dikarabo tša go fapania.

Mohlala:

Maikutlo a manyami

- Ke nyamišwa ke gore Mahunela ga a na taba le bokamoso bja bana ba gagwe.

(2)

[25]

**POTŠIŠO YA 14: NAGA GA DI ETELANE – MS Serudu****Mohlala wa karabo:****Teori ya thulaganyo**

Thulaganyo ke tatelano ya ditiragalo kgato ka kgato ka gare ga papadi. Diponagalo tša thulaganyo ke tše di latelago: kalotaba, sethakgodi, kgolo ya bothata, sehloa le tharollo ya bothata.

Tshekatshekong ye go ya go lebelelwa kalotaba, sethakgodi, sehloa le tlemollo ya lehuto.

**Tirišo****Kalotaba**

Ke mathomo a ditiragalo tša papadi.

Ditiragalo tša papadi di thoma go tšweletša:

- Mphaka (molwantšhwa)
- Tokari, Mbari, Rola le Kala (Balwantšhi)
- Tikologo ke ya sebjalebjale
- Lefelo la ditiragalo: Takone
- Ditiragalo di mabapi le Mphaka yo a bego a falaletše nageng e šele ka lebaka la go se kgotsofatšwe ke pušo ya motse wa gabu wa Bonwatau.
- Tswalano ya baanegwa: Mphaka ke monna wa Hunadi.

**Sethakgodi**

Ke tiragalo ye e hlolago thulano ya mathomo.

- Polelonoši ya Mphaka mabapi le mabaka a gagwe a go mo tloša gae Bonwatau.

**Sehloa**

Ke thulano ya mafelelo ya papadi.

- Poso ya ka godimo ga yeo Mphaka a e swerego e hlomilwe gomme go thwe ngwana wa mobu yo a hlokago tsebo le boitemogelo a fiwe maemo ao.
- Seemo le sona se ngangegile mo yunibesithing.

**Tlemollo ya lehuto**

Ke mo bothata bo rarollogago gona.

- Mphaka o amogela lengwalo la go mo lebogiša mošomo yunibesithing.
- Mphaka o tšeа sephetho sa go boela gae Bonwatau.

**Thumo**

Mongwadi o atlegile go tšweletša thulaganyo ya papadi ye. Magato ka moka a tšweletše gabotse go thekga morero wa papadi.

[25]



**POTŠIŠO YA 15: NAGA GA DI ETELANE – MS Serudu****SETSOPOLWA SA I**

- 15.1     • (*O kgathotše mahlong*)  
       • (*O maketše*)  
       • (*O hlonama gannyane*)  
       • (*O sega lesego la kgegeo*).  
       (TŠE PEDI fela) (2)
- 15.2   Ka moraleng (1)
- 15.3   Mphaka – O emela motho wa nnete yo a fetogago le mabaka/Mphaka o ile a tšea sephetho sa go re a ka se sa boela gagabo fela mabaka a mo gapeletša go fetola sephetho sa gagwe, a boela. (1)
- 15.4   Ke motho wa lenyatšo/bogale. (1)
- 15.5   Thulanontle  
       • Mphaka o fapana le Hunadi ka dipolelo ge a ile a mo homolela ge a mmitša gore a tle a bale lengwalo le a le amogetšego. (2)
- 15.6   • Mphaka o hlakahlakana ka lebaka la lengwalo le a le amogetšego.  
       • Mphaka o fa Hunadi lengwalo gore a ikwele diteng tša lona. (2)
- 15.7   Balekwa ba tla fa dikarabo tša go fapana.  
       Mohlala:  
       Ntlo ya monna yo mongwe ga e na boroko.  
       • Mphaka o tlogile gae Bonwatau ka kgopololo ya gore o tla hwetša tokologo ya go tšweletša dikgopololo tša gagwe fela ga go be bjalo.  
       • Mphaka o ile a se amogelege dinageng di šele go fihlela a tšea sephetho sa go boela gae Bonwatau. (3)

**SETSOPOLWA SA J**

- 15.8   Mogatšaka (1)
- 15.9   • Moanegi/mongwadi o šomišitše ditšupasefala go hlalha babadi ka tiragalo ya go huduga ga Mphaka Takone.  
       • Mongwadi o šomišitše poledišano ya Mphaka le Hunadi go anega kamogelo ya Mphaka Letsheng la Mogadisho le maitshwaro a Sebola. (2)
- 15.10   Balekwa ba tla fa dikarabo tša go fapana.  
       Mohlala:  
       Batho ga nke ba swana.  
       • Mphaka o tlogile gagabo a sa kgotsofatšwe ke tshwaro ya mo, a ya Takone a se swarwe gabotse. O fihlile Mogadisho a bona a amogetšwe ka diatla tše pedi. (2)



15.11 Balekwa ba tla fa dikarabo tša go fapano.

Mohlala:

Polelonoši ke ge mmapadi a bolela a nnoši go tšweletša dikgopolole le maikutlo a gagwe.

- Mphaka o bolela a nnoši mo a tšweletšago dikgopolole le maikutlo a gagwe a pefelo mabapi le tshwaro ya bona Bonwatau.

(2)

15.12 Balekwa ba tla fa diponelopele tša go fapano.

Mohlala:

- Sebola a ka fetša a paletšwe ke go phetha dithuto tša gagwe.
- Sebola a ka tšhaba ka gae ka ge a nagana gore batswadi ba gagwe ba a mo gatelela.

(2)

15.13 Balekwa ba tla fa dikarabo tša go fapano.

Mohlala:

- Mmadi o be a se a letela gore Lekgotlataolo la Yunibesithi le ka lebogiša Mphaka mošomo ka ge a na le maitemogelo.
- Mmadi o be a se a letela gore Mphaka a ka boela gae Bonwatau go ya le fao a ilego a ikana ka gona.

(2)

15.14 Balekwa ba tla fa dikarabo tša go fapano.

Mohlala:

Maikutlo a lethabo

Ke thabišwa ke gore Mphaka o tla kgona go boelana le magagabo.

(2)

[25]



**POTŠIŠO YA 16: LEHUFU – P Mothupi****Mohlala wa karabo:****Teori ya thulaganyo**

Thulaganyo ke tatelano ya ditiragalo kgato ka kgato ka gare ga papadi. Diponagalo tša thulaganyo ke tše di latelago: kalotaba, sethakgodi, kgolo ya bothata, sehloa le tharollo ya bothata.

Tshekatshekong ye go ya go lebelelwa kalotaba, sethakgodi, sehloa le tlemollo ya lehuto.

**Tirišo****Kalotaba**

Ke mathomo a ditiragalo tša papadi.

- Ditiragalo tša papadi di thoma go tšweletša:
  - Radithekisi (molwantšhwa)
  - Lerato (molwantšhi)
- Lefelo la ditiragalo: Boemapse bja Tafelkop ga Kgoši Matsepe.
- Ditiragalo di mabapi le Radithekisi yo a bego a hloriša mosadi wa gagwe Lerato ka lebaka la lehufa.
- Tikologo ke ya sebjalebjale.
- Tswalano ya baanegwa: Radithekisi ke monna wa Lerato.

**Sethakgodi**

Ke tiragalo ye e hlolago thulano ya mathomo.

- Ntlogeleng, mosadi wa Ntshepe, o hwetša dinomoro tša mogala wa Lerato ka paking ya Ntshepe.

**Sehloa**

Ke thulano ya mafelelo ya papadi.

- Go ithuntšha ga Radithekisi ka maikemišetšo a go ipolaya.

**Tlemollo ya lehuto**

Ke mo bothata bo rarollo gaga gona.

- Ntshepe le Lerato ba a ratana ebile ba a nyalana.
- Radithekisi o kgopela tshwarelo go Lerato le Ntshepe gomme ba a mo swarela.

**Thumo**

Mongwadi o atlegile go tšweletša thulaganyo ya papadi ye. Magato ka moka a tšweletše gabotse go thekga morero wa papadi.

[25]



**POTŠIŠO YA 17: LEHUFU – P Mothupi****SETSOPOLWA SA K**

- 17.1     • (O šišinya hlogo)  
       • (O a kgamakgamacetša)  
       • (O maketše).  
       (TŠE PEDI fela) (2)
- 17.2   Ka gae ga Radithekisi phapošeng ya bodulo. (1)
- 17.3   Radithekisi - O emela motho wa nnete yo a fetogago le mabaka/Radithekisi e be e le motho wa mereba le pelo ye mpe seemo seo a ikhwetšago a le go sona se mo dira gore a fetoge a be a kgopele tshwarelo go bao a ba phošeditšego. (1)
- 17.4   Ke motho wa pelo ye mpe/yogale. (1)
- 17.5   Thulanontle  
       • Radithekisi o rakediša Lerato ka phapošeng ya bodulo ebole o nyaka go mo itia ka molamo. (2)
- 17.6   • Ntwa gare ga Radithekisi le Lerato  
       • Go tsena ga Mmaditaba go timola bogale bja Radithekisi. (2)
- 17.7   Balekwa ba tla fa dikarabo tša go fapan.  
       Mohlala:  
       Lehufa le thuba lapa/manyalo.  
       • Ntlogeleng o sentše lenyalo la gagwe a ba a ipolaya ka lebaka la lehufa la gagwe go Ntshepe.  
       • Radithekisi o sentše lenyalo la gagwe a ba a leka go ipolaya ka lebaka la lehufa la gagwe go Lerato. (3)

**SETSOPOLWA SA L**

- 17.8   Ke bašomimmogo (1)
- 17.9   • Moanegi/mongwadi o šomišitše ditšupasefala go hlalha babadi ka tiragalo ya Leepo le Tsarane ge ba itokišetša go thuntšha Ntshepe.  
       • Mongwadi o šomišitše poledišano ya Ntshepe, Mpheng le Letlabo mabapi le dinyakišišo tša molato wa lehu la Ntlogeleng. (2)
- 17.10   Balekwa ba tla fa dikarabo tša go fapan.  
       Mohlala:  
       Tshepano le tšhomisano di bohlokwa bophelong.  
       • Letlabo le Mpheng ga se ba ba le bothata bja go kgopela Ntshepe go ba tšea kgopu le go laiša ditokomane tše bohlokwa koloing ya gagwe.  
       • Ntshepe le yena ga se a ba le bothata bja go ba thuša. (2)



17.11 Balekwa ba tla fa dikarabo tša go fapania.

Mohlala:

Polelonoši ke ge mmapadi a bolela a nnoši go tšweletša dikgopololo le maikutlo a gagwe.

- Polelonoši ya Lerato e tšweletša maikutlo a gagwe a go tshwenyega ka go hlakišwa ke dinamelwa tša go ya mošomong etšwe monna wa gagwe a na le dithekisi.

Goba

- Polelonoši ya Radithekisi e tšweletša maikutlo a pefelo mabapi le go se be ka gae ga mosadi wa gagwe.

(2)

17.12 Balekwa ba tla fa diponelopele tša go fapania.

Mohlala:

- Leepo le Tsarane ba ka bolaya maphodisa.
- Leepo le Tsarane ba ka fetša ba bolollotše Radithekisi kgorong ya tsheko.
- Leepo le Tsarane ba ka feleletša ba bolailwe ke maphodisa.

(TŠE PEDI fela)

(2)

17.13 Balekwa ba tla fa dikarabo tša go fapania.

Mohlala:

- Mmadi o be a sa letela gore Radithekisi a ka kgopela tshwarelo go Lerato le Ntshepe.
- Mmadi o be a se a letela gore Lerato, Ntshepe le Motsiri ba ka swarela Radithekisi.

(2)

17.14 Balekwa ba tla fa dikarabo tša go fapania.

Mohlala:

Maikutlo a pefelo

- Ke befedišwa ke gore Radithekisi ke lefšega.

(2)

[25]

**PALOMOKA YA KAROLO YA C:**

**25**

**PALOMOKA YA TLHAHLOBO:**

**80**



## KAROLO YA A: RUBRIKI YA GO SWAYA DIPOTŠIŠO TŠE TELELE: THETO [MEPUTŠO YE 10]

Dinyakwa	Bokgoni bja go ikgetha	Bokgoni bja maemo	Bokgoni bja magareng	Bokgoni bja motheo	Ga go bokgoni
<b>DITENG</b>	<p>- Tlhahlošo ye e tseneletšego ya serewa.</p> <p>- Tatelano ya dikgopololo tša go ba le maatlakgogedi tša go amana thwii le serewa.</p> <p>- Kwešišo ye e tseneletšego ya sengwalo le sereto.</p>	<p>- Kwešišo ie tlhalošo ye botse ya sererwa.</p> <p>- Potšišo e arabilwe ka bottalo.</p> <p>- Dikgopololo tše di filwego di a kwagala eupša ga se tšona ka moka tše di hlahošitšwego ka mo go nyakegago.</p> <p>- Kwešišo ya sengwalo le sereto e bonetše.</p>	<p>- Tlhahlošo ye e kgotsotšago ya sererwa.</p> <p>- Go na le dintlha di se kae tše di amanago le serewa.</p> <p>- Tše dingwe tša dikgopololo di a kwagala eupša ga di kgodiše.</p> <p>- Kwešišo ya motheo ya sengwalo le sereto.</p>	<p>- Tlhahlošo ya sererwa ga e kgotsotšaše.</p> <p>- Ga go dintlha tše di amanago le serewa.</p> <p>- Ga go kwešišo ya sengwalo le sereto.</p>	<p>- Ga go kwešišo ya sererwa.</p> <p>- Karabo ga e sepelelane le sereto.</p> <p>- Morutwana ga a tsebe selo ka ga sengwalo le sereto.</p>
<b>MEPUTSO YE 6</b>	<p>- Sebopego se tšwelela dikgopololo ye botsebotse.</p> <p>- Dikgopololo di hlamegile eble di tšweleditšwe ka bokgwari.</p> <p>- Polelo, segalo le setaele di tša maleba.</p>	<p>- Sebopego se tšwelela gabotse eble se tšwelela go ela ga dikgopololo.</p> <p>- Kelelo ye botse ya dikgopololo.</p> <p>- Polelo, segalo le setaele ke tša maleba.</p>	<p>- Sebopego se a tšwelela.</p> <p>- Taoidošo ga e na kelelo ye botse ya dintlha eble ga go tiemagano ya dikgopololo.</p> <p>- Diphošo tša polelo ke tše ntši.</p>	<p>- Sebopego se bonišha diphošo tša peakanyo.</p> <p>- Dikgopololo ga se tša beakanywa ka tatelano ye botse.</p> <p>- Diphošo tša polelo ke tše ntši.</p> <p>- Segalo le setaele di fošagetše.</p>	<p>- Sebopego ga se sa maleba.</p> <p>- Diphošo tša polelo ke tše ntšintši eble le setaele se fošagetše kudu.</p>
<b>SEBOPEGO LE POLELO</b>	<p>Sebopego, kelelo le kalo ya dikgopololo, segalo le setaele tše di dirišitšwego ge go ngwalo taodišo</p>	<p>Sebopego se tšwelela dikgopololo di tšwelela go na le phošwana le e tee ya popopolelo, mopeleto le maswaadikga.</p>			
<b>MEPUTSO YE 4</b>					

KAROLO YA B LE C: RUBRIKI YA GO SWAYA DIPOTŠIŠO TŠE TELELE – PADI, KANE GELOTŠHABA LE PAPADI [MEPUTSO YE 25]					
Dinyakwa	Bokgoni bja go ikgetha	Bokgoni bja maemo	Bokgoni bja magareng	Bokgoni bja motheo	Ga go bokgoni
<b>DITENG</b>  Tlhalošo ya serewa Botebo bja dikgopololo, kgonthišo le kwešišo ya setšweletšwa	<b>12–15</b>  - Karabo ye botsebotse go fetiša: 14–15. - Karabo ye botsebotse: 12–13. - Tlhahlošo ye e tseneletšego ya serewa. - Tatelano ya dikgopololo tša go ba le maatlakgogedti tša go amana thwii le temana. - Kwéšišo ye botsebotse ya sengwalo.	<b>9–11</b>  - Kwešišo le tlhalošo ye botse ya serewa. - Potšišo e arabilwe ka bottalo. - Dikgopololo tše di filwego di a kwagala eupša ga se tšona ka moka tše di halošitšwego ka mo go nyakegago. - Kwešišo ya sengwalo e a bonala.	<b>6–8</b>  - Kwešišo ya magareng ya serewa eupša ga se dinthha ka moka tše di halošitšwago ka bottalo. - Bonši bja dinthha di amana le serewa. - Tše dingwe tša dikgopololo di a kwagala eupša ga di kgodiše. - Kwešišo ya motheo ya sengwalo.	<b>4–5</b>  - Kwešišo ye nnyane ya serewa. - Ga go dinthha tše di halošwago ka bottalo. - Dinthha tše nnyane di amana le serewa. - Tlhahlošo e amana gannyane le serewa. - Kwešišo ye nnyane ya sengwalo.	<b>0–3</b>  - Ga go kwešišo ya serewa. - Maiteko a go araba potšišo a fokola kudu. - Dithhalošo ga di kgotsotše. - Morutwana ga a tsebe sengwalo.
<b>MEPUTSO YE 15</b>					
<b>SEBOPEGO LE POLELO</b>  Sebopego, kelelo le kalo ya dikgopololo, segalo le setaele tše di dirišitšwego ge go ngwalwa taodišo	<b>8–10</b>  - Sebopego se tšwelela ya dikgopololo ye botsebotse. - Matseno le mafetšo ke a mabotse kudukudu. - Dikgopololo di hlamegile eble di tšweleditšwe ka bokgwari. - Polelo, segalo le setaele di a kgahlisa, ke tša maleba, tša go hlohlia mabjoko.	<b>6–7</b>  - Sebopego se tšwelela gabotse eble se tšwelela go ela ga dikgopololo. - Go na le tlemagano ye botse magareng ga matseno, mafetšo le ditemana tše dingwe tša taodišo yeo. - Kelelo ye botse ya dikgopololo. - Polelo, segalo le setaele ke tša maleba.	<b>4–5</b>  - Sebopego se a tšwelela. - Peakanyo le tlemagano ya dikgopololo e gona eupša e na le mafokodi. - Go na le tlemagano ye botse magareng ga matseno, mafetšo le ditemana tše dingwe tša taodišo yeo. - Kelelo ye botse ya dikgopololo.	<b>2–3</b>  - Sebopego se bontšha diphošo tša peakanyo. - Dikgopololo ga se tša bewa ka tshwanelo. - Diphošo tša polelo ke tše ntši. - Segalo le setaele ga se tša maleba. - Peakanyo ya ditemana e fošagetše. - Polelo, segalo le setaele ke tša maleba.	<b>0–1</b>  - Tlhokego ya peakanyo ye botse ya sebopego e dira gore dikgopololo di se elele gabotshe. - Diphošo tša polelo le setaele sa go fošagala di dira gore go be bothata go bala le go kwešiša molaetša wa taodišo. - Segalo le setaele di fošagetše kudu - Peakanyo ya ditemana e fošageteš kudu.
<b>MEPUTSO YE 10</b>					